



## Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi  
(dum vixit) apud Erphordiam Turingiæ, Catechismvs  
Catholicus, summam Christianæ institutionis IIII. libris  
succinctim complectens**

**Klinge, Konrad**

**Coloniae, 1570**

**VD16 K 1309**

2. Quare nos debeamus orare.

**urn:nbn:de:hbz:466:1-29452**

duo s̄p̄e coniungit, vt Psalm. 49. Inuoca me, & ho-  
noriſabis me. ad Philipp. 4. Nihil ſolliciti ſitis, ſed  
in omni petitione & gratiarū actione petitiones ve-  
ſtræ ianotefſcant &c. Quatuor h̄c enumerauit Apo-  
ſtolum: orationem, obſecrationem, gratiarum actio-  
nem, petitionem. Oratio eſt aliud nihil, quām verba  
quæ dico aut lego in Psalmis: obſecratio eſt, quando  
petitio propter aliquid aliud formatur, vt dum ali-  
quem obſecro (id eſt, flehen,) propter hunc vel illum  
amicū. Sic obſecramus patrem Deum propter filium  
Christum in omnibus collectis. Sic obſecrauit Salo-  
mon Deum Psal. 132. Memento Domine Dauid. Sic  
Paulus ad Roma. 12. Obſecro vos per misericordiam  
Dei & cæt. Petitio fit quando res nominatur quæ pe-  
titur, ſicut in oratione Dominica nominamus ea,  
quæ obſecramus & petimus. Gratiarum actio eſt, ac-  
cepta beneficia pensare & ponderare, ac confortare  
fiduciam accipiendo illud quod pétimus. Sic oratio  
extendit ſe in gradus, vbi Deus inuocatur tanquām  
ſummus auxiliator, creator, & conſeruator, & in eū  
omnem fiduciam collocat, tanquām ſumnum refu-  
gium in omni neceſſitate & tribulatione noſtra, &c.

Secundò, prima cauſa quare debeamus orare, eſt  
præceptum Christi. nam inquit: Petite in nomine  
meo, & accipietis ſcilicet propter nomen meū, Ioan.  
16. Et quoniam hoc præceptum eſt, ideò ſicut peccat,  
qui furtum, adulterium, homicidium committit, eò  
quod hæc Deus prohibuit, ſic non obedire D E O in  
hoc præcepto, & illi cultum illum non reddere, non  
inuocare in periculi, & auxilium ab illo non ex-  
pectare, non gratias agere pro beneficijs, eſt gran-  
de peccatum. Huic igitur præcepto opponere de-  
bemus noſtram imbecillitatem, & dubitationem,  
quia naturaliter dubitamus, an exaudiamur, néce  
quod ſimus indigni peccatores, quod oratio noſtra  
non

non sit benè disposita, an Deus curet nostras orationes &c. Sæpè enim homines desperabundi abijciunt omnem inuocationem ob indignitatem suam. Sed quia Christus ipse præcipit, vt propter suum nomen petamus, ideo pro se quisque tenetur satisfacere huic præcepto, & non in alios rei scere, quos fortè arbitratur sanctiores esse. Deindè mouere nos debet ad orandum promissio, quæ ideo facta est, vt testetur Deum velle exaudire preces, ac ipsas efficaces esse apud Deum & sæpè promissionem suam confirmat iuramento, Ioan. 16. Amen amen dico vobis &cæt. Magna igitur Dei bonitas est, quod promissionibus & præceptis nos inuitat ad inuocandum. Quare contemnere hac liberalitatem Dei, est magnum piaculum, & quia Deus verax est, & seruans promissionum suarum, ob id multò pronior est ad dandum, quam nos ad accipendum.

3. Tertiò ad veram orationem tria exiguntur, vt efficiantur sit corā Deo. Primò, pœnitentia à flagitiis peccatis, & fraternæ iniuriæ dimissio: deindè, res iusta quæ petatur: postremò, fides quæ certò statuat Deum exaudire preces. Primò, qui sine pœnitentia est, non exauditur, Lu. 6. Quid me vocatis Domine Domine, & non facitis quæ dico vobis? Clamores igitur cantus, psalmodiae, &c. cùm clamamus, Domine Domine, parùm proderunt, si non fecerimus pœnitentiam, & cessauerimus à peccatis. Esai. 1. Cùm multiplicaueritis orationes vestras, non exaudiam, quia manus vestræ sunt plenæ sanguine, id est, ira, odio & praua voluntate. Marc. 11. Cùm stabitis a'orandum, remittite, &c. Et Psalm. 108. Oratio eius fiat in peccatum, ubi scilicet non est pœnitentia. ideo Christus iubet reconciliari fratri, Matth. 5. Antequam munus altari imponat. Hæc ergò causa est, quod oratio sæpè retardatur & impeditur, quia non cogitamus nos emendare: vel etiam in pijs sepè retardatur petitio, vt sciamus hac mōra exerceri fidem. Sic cùm Abraham esset

promissa